

**Uunga siunnersuut: Aalisarnej pillugu Inatsisartut inatsisaata allanngortinnera pillugu Inatsisartut inatsisaat nr. xx, xx.xx 2015-imeersoq**

(Inuussutissarsiutigalugu aalisarsinnaanermut akuersissutit tunniunneqartarnerat ingerlaanartarnerallu pillugit allannguutit)

**Akissuteqaat**

(Aalisarnermut, Piniarnermut Nunalerinermullu Naalakkersuisoq)

**Aappassaaneerneqarnera**

Naalakkersuisut sinnerlugit aalisarnej pillugu inatsisartut inatsisaata allanngortinneqarnissaanut Naalakkersuisut siunnersuutaannut atatillugu, Inatsisartut Aalisarnermut, Piniarnermut Nunaateqarnermullu Ataatsimiititaanut matumuuna suliaqarnerannut qujassuteqassaanga.

Taamaattorli Ataatsimiititap isumaliuutersuutaani apeqqutinut qaqilerneqartunut arlaqartunut erseqqissaateqarnissaq Naalakkersuisut pissusissamisoorivaat.

Naalakkersuisut maluginiarpaat Ataatsimiititaliap siunnersuummut naliliinera naapertorlugu aalisarnermut akuersissutinik tunniussisarnerup atuutsitsisarnerullu, maannamut periuserineqartunut atuutsinneqartunut aalajangersaasarnernut ersarissumik oqaasertaliinnissamik kissaateqartut.

Siunnersuummut atatillugu ersarissarneqartariaqarpoq siunnersuut maannamut periuserineqartunut atuutsinneqartunut ingerlatitseqqiineruginnarani, akuersissutinik suliaqarfimmut maleruagassanut atuuttuusunit siunnersuummi aalajangersakkatut siunniuffigineqartut annertungaatsiartumik allaanerussuteqarmata.

Ersarissaatigineqartariaqarportaaq Ombudsmandip oqaaseqaatigisai siunnersuutip aallaqqaa-serlugu oqaaseqaasiorderanit ersersinneqarmata. Ombudsmandilli oqaaseqaateqarnerata akuersissutinik suliaqarfimmut maleruagassanut sukaterisoqarnissaanik soq pisariaqartit-sisoqarneranik ataasiinnarmilluunniit apeqqummut akissuteqaateqanngilaq. Siunnersuummut atatillugu oqaaseqaasiorderit allaaserineqartut, siunertaqarput Inatsisartut siunnersuutip tunggavilersorneqarneranut itinerusumik paasinneqqullugit.

Naalakkersuisut maluginiarpaattaaq Ataatsimiititaliap tusarniaasoqarneranut atatillugu apeqqummut piffissaliisimaneq qaqliivigigaat. Taamatullu tusarniaanermi akissuteqaatit Kommuneqarfik Sermersooq, Kalaallit Nunaanni Inuussutissarsiortut aamma SIK-p akissuteqaatigisai annertunerusumik isiginiarneqarsimangitsut.

Tusarniaanerup piffissaliunneqarneranut atatillugu apeqqummut oqaatigineqassaaq, Namminersorlutik Oqartussani ataatsimoorussamik pilersaarummut piffissarititaasoq aallaavigalugu sulisoqarmat, taannalu inatsisinut allaffeqarfimmit suliaasimasuuvoq.

Tassunga atatillugu oqaatigineqassaaq naalakkersuisoqarfinnut ataasiakkaanut periarfissaammat, tusarniaanermi akissutinut atatillugu qanoq qanorlu atsigisumik akissuteqaatit nalilersornerinut missingersuuteqassalluni. Tusarniaanermi akissuteqaatinut naalakkersuisoqarfiup tigusimasaanut atatillugu suliaqarsimaneranut ersarissumik naliliissagaanni, akissuteqaateqartut apeqqutit saqqummiussaannut pisariaqartitatut ilanngussisoqarsimasoq malugineqassagaluarpoq.

Naalakkersuisut malugivaat Ataatsimiititap siunnersuutip pingajussaanerlugu saqqummiutin-ginnerani allannguutissatut siunnersuummik saqqummiussisoqarnissaanik, kissateqartut.

Tassunga atatillugu Ataatsimiititaliaq Inatsisartullu nalunaarfigissavakka, Naalakkersuisut suliap pingajussaaneerlugu suliarinissaanut Ataatsimiititaliap kissaatigisaatut allannguutis-samik siunnersuuteqalikkersaaratta, tassami siunnersuutip siunertarinngimmagu inatsisip atuuttussanngortinneqarfianit inuussutissarsiutigalugu aalisartutut pisinnaatitaasut, inuussu-tissarsiorsinnaanerannit piginnaatitaaffijagaanissaannik.

Ilanngullugu nalunaarutigissavara Naalakkersuisut siunnersuuteqarnermikkut siunertarim-massuk, nalunaarusiornikkut maleruagassanik ersarissunik aalajangersaasoqassasoq, inunnut aalisarnermit anisimasunit inuussutissarsiummik ingerlatsileqqissinnaanissaannik periar-fissisussanik piumasaqaatitalimmik.

Siunnersuummut tungavilersuutaapput – soorlulu siunnersuutip oqaaseqaasiorderani tamanna ersersinneqareersutuut, pingaartumik Nunatta avannaani sinerissap qanittuani qaleralinniarnemit unammilligassanit aallaaveqartut. Taamaammat oqaatigisinnaavara, inatsisip atuuttussanngortinneqarfianit avataasiarluni akuersissutilinnut siunnersuummut attuumatinneqanngilluinnarmata.

Naggasiutigalugu ilanngukkusuppara piujuannartitsilluni aalisarnej pillugu apeqqummut, sammisaammat, Nunatsinni imartani avissaartuutsitsiuaannartutut. Qaqugumulluunniit Nunat-sinni aalisarnej ingerlanneqartillugu isummanik assigiinngitsunik peqartuassaaq aamma sam-misamat isummersuutit pillugit. Qularnaatsumilli nalunaarfigisinnaavassi siunnersuut akissus-saassuseqartumik allaffissornikkut ingerlanneqarumaarmat, inuiaqatigiinnullu tamakkiisumik pitsaaqutaasumik inunnullu aalisarnermit inuussuteqartunut pitsaanerpaamik iluaqutaasumik eqqarsarluarnikkut ingerlanneqassammat.

Taamatut oqaaseqarlunga suliap Inatsisartuni suliarineqarnerata ingerlateqqinnissaanut sulias-sanngortippara.